

OMUKWETU

Registered at the General Post Office as a Newspaper

Ehangano lyaalongi yomOwambo

Ngiika onkatu ya simana ya katukwa kombinga yoshikandjo shulongi mOwambo oyo ndjoka sho aalongi ya vulu okufoloma ongundu yuukumwe tayi wilikwa komusindilo ngoka gwa tungwa 1966 nogwa kolekwa kEpangelo lyaSuid-Afrika 1971, notali tseyika ngashingeyi medhina Ovambo Teachers' Association (OTA).

Ehangano ndika oli na ewilikongundu lyalyo lya thikama miilyo tayi landula: Omupreside-nde, omunashipundi nomupeha gwe, amushanga gwoshigongi omunene nomupeha gwe, omudhiginini gwiiniwe nomupeha gwe, oohamushanga yoshifo yaali naatoolinkundana yaali, ano yoshifo shehangano.

Oshigongi shaalongi ayehe mOwambo osha li sha gongala 2-4 Juli 1972 mOngwediva sha landula shotango shono sha koleke ekotampango lyehangano 4 Juli 1971 mOluno, mOndonga.

"Olyo ehalelo lyandje kehanganu ndika kuya iilonga mbika tatu longo muka yi kale tayi endelelitha eputuko lyokanona kehe ngashi twe shi inekelelwa. Oshinakugwanithwa shetu omolwaKalunga molwokanona nomolwoshigwana, onke inatu kaleni twi ihole, ihe, tu inekeleni Kalunga tse tu mu pandu-
Tala kep.4

Mestela Erastus Sjamenah, opresidende yehangano, OTA, okwa dalwa 27.11.1933 mOnamayaka, Angola. Omahongelo onunona okwe a shita mEdundja. 1950-51 okwa kala mofikola yovamati mEngela, 1954 okwa pita mOseminali mOniipa. Okwa longa 1955 auke, o-po nee a ka twikila kOshigambo 1956, e uye a longe oseminali mOngwediva 1957-59. Okwa hombola omundo 1959 nokwa ka twikila ehongo laye kOshigambo 1960-64. Eshi a aluka ko okwa hovela natango ouhongi moseminali yaNgwediva 1965-66. Odula ya shikula okwe i panga kOrepublika ya S.A. moukwatwa, eshi a morika e litula mo moinima yemanguluko ledu eli. Mo 1969 okwa hovela vali oshilonga shehongo mofikola younona mOngwediva omo a kala fiyo 1970 eshi a nangekwa omukulunhu pofikola tuu oyo fiya 1971. Mo 1972 okwa hovela oilonga mOshinyanyangido shOngerki ya Elok, mOniipa. A twala ngaha o-lushuno keumbo (Oniipa) onhele oyo ye mu yeululila omhito yokulonga oshimhungu moshiwana shaye. Tate Sjamenah oxe ya vahamano, oukadona vatatu novamati vatatu

Kolumoho John ya Otto, omunashipundi omunene gwEhangano ngoka a wilike iigongi ayihe iyali yahuginina. Oye a longo oshindji mokuhegeteka Ehangano ndika.



Oshilyo kehe sha hala okwiinyolitha mEhangano ndika nando kee shi omulongi ota kala e na uuthemba auhe, kakele ashike sho ita hogolelelwa moshimpwiyu shiilyo yEwilikongundu. Ehangano oli na ompito yokuhangana nomahanganano omakwawo gaalongi aaluudhe ngaashi ge li muSuidwes, Ehangano lyaalongi aaluudhe mUushimba nolyOombasitela.



Musitwa pandura

Nampo to pura nge asi: Isi nani pandura? Pandura Pamba Nampongo eyi gaku hara gaku tumina nempongwe lyendi. Joh.3:16 Nove Mukwangali ono wiza povantu ogo wa kere siñike somawokowoko.

Tara nove ku na kuza konosikora peke napeke ni ku gusireko nakauke zimwe ezi gadira kumona nare Mukwangali izo uteku womambo omo Karunga anazigidire mo vavali.

Morwahore zaKarunga nonkenda zendi iyo avava pe hena ehara lyokutwikira udiakononi va ka zakure mepya lyendi. Melima eli i o anagaununa pokaty di kare nombunga ntutu. Zopomuhowo gumwe iyo anamupitisire mouteku wembo ipo amuninke hamutyanga musityangero zaRupara. Mpito zauvali, gumwe iyo avamutura mouzaku wouhaku a ka zakure odo dinakuvera komwenyo nokorutu.


Zautatu munakara sininke sosinene oso sina horora nontanto dovaprofeti Jer. 3:18; Hes. 36:25-26. Nombunga ozo izo ozo Mukwangali gasensa iyo gasi tura koyimuna nokoyirugana yembo ipo munwange a wape kuka lironga. Tara, omu tuna vapongaike momavenga gteu nye awo ku nokufa konzara nenota lyokomwenyo.

Karunga mwene anagusa mo vavali iwo ava: Estera Aikera naSelma Naaka. Owo vana piti namumvo 22.9.1972, uteku wembo va ka wape kupukurura rudi rwawo. Hompa ana tura mo mwenyo morudi rwa fire Hes.37:12. Ava ga tantere Mukwangali a si; Muduni kapi Inka mu (asi sigwali kapi a yiki). Tuna gwana kupandura Karunga eyi a gwanesa nontanto dendi. Mat. 24:14.

Karunga ta tanta asi: Mukwangali, siga vantu vange va ka ruganene nge mazuva gomanene. Vangapi ovo sigi va ze kwaHompa gwawo? Wovanzi kuna ku tanta ngamomu ngadi tanta Nomburu asi: Musovagani kapi nga ka za mo. Imo tu na kutanta asi: Muduni kapi si gwaKarunga neyi sina ka kara kosikora.

Tu gaveni nomwenyo dovantu Karunga ngaka tu pura nomwenyo dovantu vendi.

Jerobeam Shiyiwo



Mesitela Jonathan Shoombé, kolulyo ngoka e li wo oshilyo shEwilikongundu lyEhangano.

ELONGO LYOSHIMBANTU OLYA TULWA MITOMO NOWINO

MuSuid-Afrika nuumvo omwa holokele oshikungulu shiipotha yombili moosikola dhopombanda dhAaluudhe nodhAatiligane, kakele koosikola dhopombanda dhOombulu dho dhene.

Shika osha tameke sho omunasikola Tiro, mosikola yaTurfloop, a tompo no kwa holola uuwinayi welongo ndika lyoshimbantu. Omunasikola nguka okwa ti-dhwa mo nosho wo aanasikola yalwe pamwe naye.

Komahala galwe aanasikola oyendji oya thigi po oosikola dhawo sho ya dhi-mbulula itashi kwatha sha okutaamba elongo lya tya ngaaka. Aanasikola yaAatiligane mboka ya li ya gama kAaluudhe moshinima shika oya dhengwa kaapolisi sho ya hala Aaluudhe ya pewe elongo lya fa lyAatiligane.

Iinima iiwinayi melongo lyoshimbantu oyo mbika: Omunona gwomutiligane ota pewa elongo lyolela, lyo ote li dhigininithwa sigo ponkatu ndjoka ya uthwa. Ano omunona kehe ota thiminikwa koveta a adhe onkatu yontumba. KOMuludhe kashi li ngaaka.

Epangelo lya S.A. pauteku walyo wokatongotongo itali dhigininitha nokuhokitha Aaluudhe elongo, ngashi hali shi ningile iilumbu. Epangelo ohalu humitha nawa komeho eputudho lyuunona wAatiligane nohali gandja naanaa iimaliwa tayi pumbiwa mpoka, manga kombinga yuunona wAaluudhe neputudho lyawo, epangelo hali gandja uumaliwa uushona mboka itaa u yambula sha. Uunona wAaluudhe epangelo inali hala oku u dhigininitha noku u hokitha elongo neputudho moosikola. Pamukalo nguno oshigwana shAaluudhe otashi kala aluhe konima meputuko nomeliko.

Uunona wAaluudhe epangelo otali u tyololokitha nokuli nowina miinima oyindji, ngashi tashi holoka metsikilo mpaka kohi:-

Moshifo "Drum" sheti 22 Septemba 1972 omwa holoka oshinyolwa kombinga yelongo lyoshimbantu, ehokololo ndyoka lya kumitha aantu oyendji. Otashi dhi-mbululwa nawa kutya moomvula dha zi ko aanona oyendji oya ndopa ekonakono lyositanda ontihamano, nenge oya mono oonzapo itaadhi ya ziminine we ya tsikile osikola. Shika osha kumitha aakuluntu naalangi oyendji omolwaanona oyendji mboka ya li ya inekelwa kutya otaa piti nuupu, ihe oya ndopa.

Olwindji aalangi oya pewa uusama moshinima shika kutya inaa gwanitha iilonga yawo. Oshikalimo shoshinyolwa osha holoka ngeyi kutya:

Omuwiliki gwelongo lyoshimbantu, medhina lyoshikondo shelongo, okwa gandja kaataleli yoosikola omwaalu gwaanona ngoka gwa pitikilwa okupita ositanda ontihamano ngeyi:

Mboka ye na okupitila mongundu yotango	10%
Mboka ye na okupitila mongundu ontiyali	35%
Mboka ye na okupitila mongundu ontintatu	35%
Mboka ye na okundopa	20%

Pamwaalu nguka mboka inaa pitikwa okutsikila mofoloma l oye thike 55% Omvula ya zi ko aanona 30,0227 oya nyola ekonakono lyositanda ontihamano nomayamukulo oga li ngeyi:

Ya pitile mongundu yotango	8.04%
mongundu ontiyali	35.25%
mongundu ontintatu	37.67%
ya ndopa	19.04%

Omayamukulo ngoka otaga tsu kumwe nomwaalu ngoka gwa gandjwa metetekelo. Maanona konyala 40,000 ya nyola nuumvo ekonakono ngiika aanona 22,000 yomuyo, itaa ka pewa onzapo yokutsikila natango osikola. Tse ngashi tu shi shi maanona wo mboka ya pitile monkatu ontiyali, oshitano nenge oshitine owala hashi mono shili ompito yokutsikila. Ano otashi ti, ngele aanona 100 ya nyola ekonakono lyostanda ontihamano, aanona owala 25 taa mono ompito yokutsikila, manga aanona 75 itaa ka tsikila we oskola. Shino otashi fala peni onakuyiwa yoshigwana shika? EPULO NDIKA ENENE. Otwa tegelela owala uukolokoshi nuutsotsi waa na ehulilo monakuyiwa yoshigwana shika, uupagani wo wenewene nekano.

Ndika olyo elongo ihaali longithwa nando palwe we muuyuni. Ndika olyo elongo oluvalo lwetu talu pewa kaaleli yetu mboka taye tu uvithile uusiku nomuntenya kutya otaa kongo uuwanawa wetu. Aaleli mboka hatu itangele nomukumo, kutya ngoka a hokana nyoko oye ho.

ILENI NATANGO KOSIKOLA 1973

Momumvo 1973 oosikola adhihe dhopongulu metonatelo lyOngerki yOwambo-kavango otadhi ka longa ngaashi omumvo gwa zi ko 1972.

Handewerkskool, Olukonda

Osikola wo yiilonga yiikaha mOlukonda otayi ka tameka oshita noosikola onkwawo 16.1.1973 omumvo gwayo omutiheyali.

Aakadhona mboka ya hulitha oosikola dhawo noye na oombapila dhawo dha yela, otaa ka taambwa moskola ndjoka yiilonga. Omulongwa kehe na etelele oolata heyali dhiilya, nolata yimwe yomakaka.

Omukuluntu gwooskola dhomolugumbo dhOngerki yaElok:
Superintendent: Helmi Haapanen

Moluhondelo kamu na ohole

Mevi lyetweni mOwambo otaku tumbulwa mu na aantu yamwe taa thiminike yakwawo ya lale nayo koonkondo dho dhene nando yakwawo kaye na ehalo. Noshinima sha tya ngeyi otashi ningwa ngaa mpeya naampee! Omulumentu ta hili omudhike koonkondo, opo a ka lale naye e mu kwata niikaha iyali mbyoka e yi pewa okuhila mo nayo aantu muuwinayi.

Osho wo omudhike ta hili omulumentu a ka lale naye koonkondo ongumitila nohapu dhaaha fele tadhi popi uukuume wumulunde.

Aanamahauto taa londeke aakiintu opo ye ya faalele pontumba pongandi shu uvathanwa ngaa nawa ando mpo ye na okuhelukila, ohaluka omuntu nando na konkole omunehauto oha lyata owala omaholi ongele omokuti kowala, mombuga, momagumbo nenge mookamba dhoongesefa.

Oshikumitha unene aakwetu yanankali yuupongo. Ngeye mwene ehauto lyoye oye li landa iimaliwa we yi longo moonkondo dhoye mwene osho wo noondunge we dhi pewa kuKalunga. NaKalunga mwene okwe ku pe ehauto u yakule nalyo oshigwana she neyakulo tali opalele oshigwana she, nou gwanithe wo ehalo lye.

Oshili kutya owa tutile aantu yaKalunga mosinagoga yasatana?

Ino tsikila ko we mentu gwandje, oshoka okuhuna kwomuntu okwa tiwa: Oku vule kwombwa. Ehauto ino li pewa u yone po elandulathano lyaKalunga. Ngeye wo kala u shi shi kutya moveta yaholomende omwa

tiwa kutya, ngoka ta lala nomuntu e mu kwata koonkondo ki ivule naangoka a dhipaga omuntu. Onawa oshinima shoka u shi fulile okalambo, ndee to file ko okavi. Omumati Omuwambo sho ta putuka okwa tala aakadhona taa kwatwa kaamati mbo ye li po aanene aniwa yo taa ya thiminikile omilalo koonkondo. Ihe ondjila yo yene kayi shi ndjoka okukwata omuntu a shitwa oshifetha shaKalunga koonkondo.

Kwo okukwata kaku shi ashike hoka taku kwata omuntu niikaha, ihe omakwato wo ogi ili, ngaashi okukwata nelaka lya fa lya lomonwa omagadhi.


"Oshill ondi ku hole" Oshinima shi ninge shoshili,

"Oshili otagu lundile ndje owala, ngaye inandi gu mona!"


Pokuma ngele ope na ohole otapu adhika wo nolukeno lwo lwene. Oshoka yina oku hole okanona ke tashi monika sho te ka galula momeya osho wo momulilo gwo gwene. Ano aluhe ohole oyo okugalula moshiponga, Kor.13 :4.

Nena ngele ku na ngoka a hala okuhondela omukwawo nota longitha oshitya shika ohole, oye ota fundju, oshoka moluhondelo kamu na ohole, na oluhondelo aluhe ohalu longithwa kooimbepo dhumbanda dhokutula einyengo lyomeni lyegamo lyopaseksuali ndyoka lya shitiwa momuntu.

Egamo ndyoka kali shi ando uulunde li kale tali longithwa muulunde pondje yoondjokana. Ngele ope na ngoka ta tila oku li humbata ndishi nomushigakano gwa-Kristus ote gu tila wo?



Omusitagongalo Metusalem Shilongo nomukulukadhi gwe. Oyotaa longo megongalo lyaTsumeb nohaa taandelitha nehalo ewanawa oshifo shOmukwetu.



Kuku Nakale kiinyolwa okwa tsakanitha omimvo 70 nuumvo. Kuku Nakale (Liina Lindstrom) oku li ngashingeyi muSoomi konima yethimbo ele lyiilonga ya nika ondjingu mpaka mOwambo. Oshilongatamo okwe shi tamekele 1931 nokwa kala ha fudha po pokati. mOwambo' okwi ihulu mo 1963.

Eyooloko pokati keitaalo lyoshipagani nolyoshikriste

Ev. Daniel limalwa

Eitaalo naandyoka lyaapagani olya za mokuwa, oshoka eitaalo kehe oli na omeho li lweve shono omuntu te shi inekele. Eitaalo lyaapagani olya dhimbulula kutya, Kalunga oye omushiti gwaayihe.

Aapagani oya tompelwa wo kutya, ekwatho li shi okwiinelwa omuntu otali ku ziilile ashike pombanda, hapevi nando, omolwashono yi imbi eimbilo lyawo tali ti: Egulu kali na oongundhi, ando omapongo hatu londo.

Inaa iitaala ekwatho lyaakwaniilwa nenge olyaayamba ya kala mokati kawo, aawe. Ihe ontseyo ndjika itayi kwatha sha nando. Omuyapostoli Paulus okwa ti:

Oshoka nando ya nonge Kalunga inaye mu simaneka noinaye mu hambelela ngashi Kalunga... Rom.1:21.

Aapagani otaa tseya ngaa oyo ya shitwa kuKalunga, ihe eitaalo ndyoka itali thikitha omuntu mombili yashili. Kalunga ota tseyika komuntu kehe oshoka okwiilholola, a fa etango, ita vulu okukala kee lwetike. O-

mbimbeli tayi ti: "Uukalunga we ohau dhimbululwa hela tuu uuyuni wa shitwa," ov. 20.

Aapagani oya simaneke iikalunga koomwe-nyo dhawo. Oya simaneke iinima yomeshito lyaKalunga noye yi tila. Kalunga omushiti okwa tseya nale nkene omuntu ta puka miinima mbika, nokwa hala oku mu hupitha. Kalunga oye ta kala kombanda yeshito alihe.

Noonganga dhaapagani odha dhimbulula kutya Kalunga oye e li kombanda yaayihe nando molwefupa inaa pa Kalunga esimano. Uuna onganga ya nyengwa kuvu, oya lombwele aantu ya tale ashike Kalunga sho ta ningile omuvu. Nokutala huka itayi lalakanene kutya ngele a si a ye megulu mehupitho, ihe otayi lalakanana a shunithilwe ashike ukolele wolutu lyo esimano li ninge lyayo.

Aaprofeti yeitaalo lyoshipagani

Eitaalo ndika oli ikwatelela unene komahunganeke gaaprofeti yiifundja. Mbaka oya pewa wo esimano enene li thike polyoonganga. Aaprofeti mbaka oya hunganekele aantu iiponga mbyoka tayi ya po noye na enwethomo enene sigo onena nomokati kaakriste. Ngoka we ya sindi mungoye kokupungula Mbepo omuyapuki, ongoye awike to thiki meitaalo lyopakriste. Aaprofeti mbaka oyo:

Ehwiyu, ekola, ekombekombe, epumputu, oshiyokahi, nankwe, oondjodhi, oshukutula nenge okalulunga.

Eitaalo lyoshipagani otali ikolelele wo komisindilo dhi li paali; omusindilo gwiimuna nogwaantu. Omumati ta yi kuuhiwa ita li oshithima sha telekwa shaampoka, otashi telekwa pomasiga gontumba sha temwa noshiti shomusindilo.

Ihe ayihe mbika oyo onkambadhala okukelela iiponga yomuuyuni mbuka, haambyoka yomuuyuni tau ya. Eitaalo lyoshipagani olya nyengwa okulandula omuntu kutya ngele okwa si muuyuni mbuka ota ka ya peni, moheli nenge melago.

Ngoka tu ulike mukwawo kutya oha li aantu muulodhi wondjongo, oye omufundja nota longithwa kusatana he yiifundja.

Eitaalo lyopakriste oyo okutala nokudhimbulula iifundja mbika noku yi yanda. Omeho geitaalo lyopakriste ohaga mono oondjo nuulunde mboka we etitha Omuna gwaKalunga kombanda yevi. Oge lwete nawa ehulilo lyomulunde nolyaangoka a dhininwa po oondjo kutya ope na eyooloko.

Omwiitali gwopakriste nkene a yooloka neitaalo lyoshipagani otashi monika ta nyengwa okwiipwiilikila ondjo tayi mu hepeke, ita kotha manga inee yi hempulula. Okwa tseya muuyuni omu na iinima oyindji yi tu kwathe manga tu li kevi, ihe kayi vulu oku tu thikitha mehupitho. Iinima mbika itayi mu manga ota manguluka muyo note endithwa kombepo yaKalunga ndjoka tayi yeleke okukalamwenyo kwe kwesiku kehe.



EHANGANO LYAALONGI.....

dha za kep. 1.

le sho sha uulika tu gongaleni nena."!

Osho sha li sha tumbulwa komunashipundi gwEhangano omunene omulongi John Ja Otto moshigongi shonuumvo.

linima ine ya simana oya tumbulwa mekotampango lyEhangano ndika ongelalakano, lyalyo: a) Okulalakanena elongo lyokanona neputuko lyako nokwoopaleka iinima yomelongo lyaavalelwamo muSuidwes alihe, unene mOwambo. b) Okanona ka kokithwe okuninga oshilyo shoshilongo moka ke li mo nokuhumitha komeho uukwatya wako womeni c) Okwoopaleka elongo mokwiilonga nomokukundathana iinima ya guma elongo nenge pateoli, d) Osho wo okugamena uuthemba uuwanawa womulongi kehe.

Ehangano oli na uukomitiye moshikandjolongo kehe ngashi yi. li po iheyali mOwambo ngashi wa hogololwa koshigongi oshinene. O komitiye kehe oyi na omunashipundi namushanga ngoka ta sile oshimpwiyu omainyolitho gomadhina nomafutulo gokomumvo. Amushanga oye wo omuhji ngele ye na okugongala moshikandjo shawo. likundathanwa ohayi ka kolekwa koshigongi oshinene shoka hashi gongala aluhe mujuni nenge Juli omumvo kehe.

Ofuto yokwiinyolitha mEhangano 50c, ihe iigandjwa yokomumvo R1.00 komulongi, 25c kungoka kee shi omulongi, ngele a hala okuninga oshilyo mEhangano. Ope na wo ompito komuntu kehe kee shi omunashilonga okuninga kuume kEhangano ndika. Ngoka ota kala miigongi ayihe nokugandja omadhiladhilo ge, ihe kee na ewi lyetokolo.

Ewilikongundu oli na okugongala lumwe omumvo kehe, nenge shi vule, paithano lyomunashipundi. Nuumvo ongaashi wo omuvogu olya gongala lutano.

Aalongi ye li mOwambo otaku tiwa oye thike 1331 mwa yalulilwa aatiligane, haa longo aanona 64,679 moosikola 252. Aalongi 500 oyi inyolitha nale nokuli mEhangano lya-wo.

Mefano pevi omulongi mosikola yokombanda yaNgwediva Josef Auala, ngoka e li amushanga gwoshifo shEhangano ngele tashi ka holoka. Oye wo a kwatha unene mokuholola po ombandi yEhangano ndjoka yi li melongekidho natango.



Ongundu yewiliko lEhangano fiku loshongalele shavo mOngwediva eti 28. 10. 1972.



Omulongi mosikola yaNgwediva Eneas Josef Amutenja, ngoka e li amushanga omunene gwEhangano lyAalongi

Omhumbwe yovahongi

Oshikondo shEhongo nomifyuululwakalo oshi na oministeli yasho mEpangelo lOwambo, omufimanekwa Rev. Kornelius Ndjoba. Ota ti ngaha: "Ope na paife eefikola 252 di na ovahongwa 63, 679 novahongi 1331 mwa yalulilwa ovatilyane."

Movahongi ovalaule, vavali ashike ve na onghatu youniversiti nodiploma youhongi.

Nomolwoshinima eshi oshikondo shEhongo nOnghaloputuko osha tokola okulongifa ovahongi ovatilyane meefikola dopombada ovo ve na eenghatu da pumbiwa."

"Opo ouhongi u xumifwe komesho natango, okwa tokolwa kutya okuhovela modula 1973 ovalihongi ovakainhu aveke tava ka diminwa okulihongela ouhongi wopedu (LPO) mOngwediva. Ovalumenhu ove na okuhanga tete ostanda V111, opo va tambulilwe okulihongela ouhongi wopombanda, P.O.S.

OMPUMBWE YOMULONGI MOTSHANDI

Mosikola yokagumbo mOtshandi omwa pumbiwa omulongi ngoka ando e na onkatu ya Junior, opo a kale omukuluntu-sikola mosikola ndjoka. Ngoka wa adha onkatu ndjoka nou na onzapo yuulongi nyolela mbala kEtonatelosikola, Okahao, manga Desemba inaagu pwa ko.



Mefano omudhiginini gwiiniwe yEhangano, omusamane Silvanus Vatuva. Oye wo amushanga gwElelosikola muuninginino wUukwanyama. Pamwe naye oshilyo shEwilikongundu, omulongi Jason Nangombe.



EDHIKO LYEGUMBO LYAJONA NOMUWILIKI GWOMUSIKI

Mongerki ompe yaNayena ndjoka tayi indile natango iimaliwa yetungo, aagundjuka yaElok, Jona Kambudu (28) Ongwediva naMagdalena Namalenga, 28 Onayena, omuwiliki gwomusiki mOngerki, oya katuka onkatu nonkatu pokati koongala dha ninga olwaanda okuza kosheelo sigo okowalitali.

Manga taa katuka nokulandula omusita, e ya kwatela komeho, go omawi gaaimbi oonkulungu, mewiliko lyatate Matti Endjala, otage ya thindikile noku ya dhimbulutha ekwatathano lyohango yawo naandjoka yOnziona tayi ka kala megulu.

“Ya ningi ohango Jona Namalenga, mesiku 11, oondi lyomwedhi omuti 11, oongu potundi 11, oondji.....”, osho lya li esiku nomwedhi notundi yehokano lyOkambudu nosha holoka wo mondjimbo yaEndjala.

“Egongalo lyaKristus kombanda yevi olya tungwa momagumbo gaakriste noshinakugwanithwa shawo osho okulonga ehala lyaKalunga.” Osho sha tumbulwa komusitagongalo Armas Amukugo omuhokanithi gwoshituthi shika. Okwa tsikile ngeyi:

“Esiku ewanawa hameleleni ano uuwanawa wOmuwa, nesiku ewinayi ine, keleni ekwatho lye,” osho e ya kumagidha pahapu dhOmuwa manga inee ya pula etokolo lyawo lyahugunina.

Omuwiliki gwomusiki mOngerki, Na-

malenga napoosamestela, Jona Kambudu, oshituthihango shawo osha li sha lengwa komatanga goondjimbo dhaanona, dhaagundjuka nosho wo dhaakuluntu mongerki, kelundu, megumbo nosho wo mongerki yaNgwediva esiku lya landula hoka oshituthi sha ka tsikila no-sigo okegumbo lyombushiki, Jona, hoka taa kala ngashingeyi.

Ookuume naashiwikile naathindikili oyendji oyi ile okunyanyukwa pamwe naafuko esiku ndyoka noku ya fala koshipala shOmuwa nomagalikaneno gawo mOngerki.

Omuhomboli Jona Kambudu okwa dalelwa mEndola nde ofikola younona fiyo oseminali okwe i endela mOngwediva omo a pita 1966. Mo 1967 okwa kala omuyakuli moshihakulilo shEpa ngelo mOshakati fiyo 1970. Eshi a dja omo okwa hovela oilonga yopoosa oyo ta longo fiyo opaife mOshakati.

OHANGO YOSHIWAMBO

Ohango yOshindonga Namunganga oye mwe ne gwohango, noshinkumbi she shokuhumbata onkinda okashungu haka yambwa kushaangoka te mu tsakaneke, unene tuu aafuko mboka ye li mohango.

Aakuluntu oonakuvala oye na okutala omumvo ku na ohango, opo ya wape okulongekidha, ye ke ya nyolithe kumwene gwohango Namunganga. Ngele ethimbo lya thiki, aafuko ayehe taye ya okupitula Namunganga opo e ya kwatele komeho, ya ka tunge omatsali gawo pehala ndyoka lya uthilwa okudhanena ohango.

Etsali lyaNamunganga otali tungwa enene opo ihe nakuvala kehe wo e na okudhika etsali lye moka taa kala mo noyana. Oompango dhohango ohadhi uthwa kuNamunganga. Shika nenge shiyaka, itashi ningwa manga Namunganga ine shi pitika.

Aafuko ayehe oye na okweenda aluhe melandulathano, omukweyo gu ukilila nawa. Ngele taa yi pondje, kedhiya, nenge pehala kehe lya uthwa, ayehe oye na oku shi ningi-



la oshita. Ngele taa yi komwandi gwokugondja, ayehe otaye shi ningi oshita. Oshitumbetango shongula kehe otaa yi opo ya konakonwe nawa uukadhona wawo, ngele oya yela tuu. Nge taa yi koshini oshitangotoka opo ya ka tse othika, yu ukilila ya kundukidha oshini, nomuhi gwa hongwa owina gu ukilila, ayihe mbika oyo omakonakona omukadhona a talwe tuu shili ngele ogwanakanjengele, omukadhona lela.

Ngele opwa dhimbululwa gumwe e ya mo nanyi mohango, ota tidhwa mo pamwe naakuluntu ye, taa dhengwa nokuli, oshoka oya sitha ohoni ohango, onke taa udha uukaku omavi, otaku monika owala ekodholo.

Namunganga oha simanekwa unene e vule nokuli omukwaniilwa, oshoka haathigona yowala ye na okukala mohango ndjika ayeke, ihe naakwaniilwa aakadhona wo, naathigona mboka ya hogololelwa uunyekadhi, opo ya mone elago lyawo, oshoka elago lyohango, olya li li na okugandjwa kuNamunganga.

Otaa menkula pamikalo dhi ili nodhi ili, opo elago li tsakane nawa. Ohango ohayi dhiginine elandulathano lyomukweyo omule.

Omumvo 1944, omo ohango yOshindonga ya ninga lwaahugunina, noinayi ningwa we. Mohango ndjiyaka mwa li aafuko oyendji aakriste yomomagongalo goshitayingerki shaNdonga. Omauvitho oga li mohango ndjoka ga zile kOlukonda, nokOniipa, oshoka egumbo lyaNamunganga olya li mOniipa.

Aamati yaKalunga oya li ya popitha apehe nopOshikwiyu, mOlukonda. Namunganga okwa kuthwa oonkondo dhuupagani, noina tsikila we ohango ndjika. Okwa si wo pomimvo ndhoka. Okuza mpoka inaku monika we ohango yOshindonga kombinga ndjoka yaNamayongo. Linda Ambambi,



Kolulyo mefano ndika ongundu yaRev. Matti Endjala tayi nyanyudha oshituthihango nomusika. Aafuko oya pulakena nohokwe oyindji. Oshigongi shaasita numvo sha ningi efaneko tate Matti a kale ha hiywa miigongi noondjimbo dhe opo a yambapalekithe iituthi yopakriste nevangeli lyomoondjimbo.

Eyapulo lovayevangeliste mEngela

Oshvilo shinene osha danwa vali mOngerki aishe omafiku aa eshi ovayevangeliste 26 va nangekelwa noupuna moshilonga shavo shipe eti 26. 11. 1972 mEngela.

Ongudu yovapiya vOmwene oya kala mehongo nokudjalekwa oiti yeitavelo oule weedula nhatu opo va shiive va ye ko oko Omwene wavo te va tumu ko.

.. Nye omwa ifanwa moshilonga omolwo-vashunimonima, omolwovapaani momikunda, molwovanaudu, nomolwaaveshe ovo va hepa," osho va lombwelwa nokukumaidwa komu-ponhelewilikingerki, Rev. Stefanus Mvula ou a wilika enangeko noupuna lavo.

Epito eli etiheyali mEngela meengudu do-vayevangeliste oli na sha shihapu shomehi-stoli longerki yetu, osheshi mulo hatu hange mo lwotete Omuyelele tate Elias Misse a dile koMpungu koKavango.

Tate Misse fimbo ina hovela ofikola ei okwa shiivika exwamo laye meitavelo nomo-kukwafa oshiwana shaye shOvayelele. Oshoo-ngalele shovanyasha vOngerki aishe eshi sha ningwa moKavango 1969 osha hoolola Misse a kale eke lavo kuyakula oshiwana osho opo tashi tekulilwa meitavelo meengaba deongalo laMpungu.

Natango tuu mongudu ei omu na omunghumbi wotete okutambula oshinakuwani-fwa shi fike apa shokuhumbatela evangeli mokati kovapaani vokombada yomulonga. Tate Ruben Moombelo oye Omunghumbi wotete a mona efilonghenda leifano moshilonga eshi.



Omuyevangeliste Ruben Moombelo ota halelwa omayambeko kumeme Kirsti Pakkala mihlonga ye, nota pewa uuta-ti womukriste Ombimbeli ndjoka ta ka kondjitha nayo oonkondo dhomilema mokati kaapagani. Elangeko lyawo ta-la palwe moshifo shika.



Ongudu yovayevangeliste ovo va nangekwa moilonga pexulilo lodula ei ve li mo-mutete va yuka mongerki yaNgela omo va nangekelwa noupuna. Kolumusho ongu-du yovatali ye va teelela pondje.

ELANGEKO LYAAYEVANGE-LISTE AAPE 1972

Aayevangeliste aape mboka ya ya-mbekelwa oshilonga shawo eti 26. 11. 1972 mEngela, Epangelongerki lye ya langeke momahala taga la-ndula:

David Aludhilu, Othika; Teofilus Amwaama, Onangalo; Filippus I-yambo, Okatsheidhi moongamba dhegongalo lya Nangolo; Junias Hai-xuxwa, Kongo metumo; Dan Hamunjela, Edundja; Efraim Hashipala. Okalonga konima yOngamba; Abraham Malua, Onambwanga ko-nima yOngamba; Jeremia Shiyiwo, koKavango.

Frederich Kondjila, Okaku; Titus Kapembe, Onheleiwa; Immanuel Komeya, Okatope; Hosea Moses, Nakayale; Fanuel Mumati, Tshandi; Ruben Moombelo; Oshangalala; Johannes Mvula, mokati kaa-gundjuka yoshitayingerki shaNdo-nga.

Filippus Nakanwe, Engela; Salomo Namunyekwa, Eenhana moshihakulilo; Paulus Nakale, Oshaango; Mateus Ndjimbi, Olukonda; Elias Ndume, Ongenga; Paulus Shindinge, Ongenga; Gideon Shakalela, Eenhana; Matias Shigwedha, Ongwediva, Jeremia Tjilumbu, Etoto mEtumo, Elias Misse, Mpungu me-tumo naNabot Imene, Onyuulaye, mEtumo.

Fye Ovandola otwa dengwa keemwenyo

Fye omu mEndola otwa ningilwa oshinima shinene sha kukula ee-mwenyo detu eshi, twa fiwa po kovahongifikola vetu; Jojakim Udjombala, a xulifa 25.10.1972 na Isaskar Nghidepo 20.11.1972. Nghidepo okwa pita ofikola you-hongi wopombada 1971 nokwa longa ashike oikako itatu nokwa dimbulwa kOmwene waye. Aveshe ava vavali okwa li tava longo pEndola. Ohatu indilile ovafiwapo va kale ve likolelela mOmwene.

F.I.Shifidi



Omuyevangeliste Filippus Iyambo ngo-ka a tumwa mepyatumo koKatsheidhi. Okwa hokana noku na uunona utatu.

ONDJALULAMASIKU YOMUMVO 1973 O-YA HOLOKA MOSITOLA YOMAMBO. ILANDELA MANGA KUYELE WAA TOKELWE. OTAYI PULA 15c.

EEPASHA DOVATUMWA ITADI ENDE NAWA

Eengerki Eenghwaluther di fike lwopo 200 da dja moilongo 38 oda kala moshongalele muKarinthia, Austria oule womafiku ahama-no omo da kundafana unene oinima yeengerki.

Moshongalele eshi shoukumwe weengerki mepashukilo loshikandjo shekwatafano leengerki mOngongahangano yOvakwaluther osha hovela 2-7.11.1972. Oshongalele sha holola oluhodi linene eshi ovatumwa novatalelipo veengerki muSuid-Afika naSuidwes tava anyenwa eepasha. Ongongahangano yOvakwaluther oya vilikililwa i kwafele eengerki di li moudjuu wonghalo ei ko ku talike ononghatu ilipipo ehanganano tali katuka omolwoufemba womunhu.


Eengerki di li moudjuu ou oda kunghili lwa yo di tale kutya onondjila ilipipo di na okupopya fiku oshiwana tashi findilwa kongudi. Ombilive ya yeuluka ya tuminwe keengerki dOvadalelwamo koministeli yote-te ya S.A. 1971 oya popilwa moshongalele eshi kutya oya li onghatu iwa.

TANDI MU INDILE NEIFU-PIPIKO

Oonakulonga oondhalate dhomalugumbo gomapya, nge tatu longeni oondhalate dhetu unene mboka twa hala oohofa oonene tse twa tungila puupatekedhi, omolwoondjila oonene olwindji dhe enda pokati komaushiinda hadhi pitwa kaayendi yomalupandhi yihauto nenge yomatemba, tu simanekeni oondjila ndhoka.

Aluhe ngele ou na ondjila ya tya ngaaka, ondhalate yoye ino yi mangela kumwe noyamushiinda shoye, opo aantu yokolupadhi yaa kwatwe kemakelo lyokusiisila mondhalate yoye, yo tayi yululuka mbala. Ishewe omukalo gwokusiisila kagu shi gwopantu. Tu taleni iiyelo, ngele omapya otwe ga kwatakanitha kumwe, nenge pomapandiinda tu etheni ehala lyondjila ye eguluka. Shika otandi shi mu indile neifupipiko enene.

P.K. Andima



Kolumoho Rev. Albertus Maasdorp, hamushanga wongerki yovadalelwamo mOushimba okwa li omupopi a fimana moshongalele shOvakwaluther muAustria. Oku li apa meenghundafana nomukulunhu wehangano lomatumo aeshe oo e litula kumwe muWuppertal muNdowishilanda, Dr. Sigfried Groth. Naye oluhapu a tindilwa okuuya a talelepo Ongerki yetumo lOvandowishi muSuidwes.



Aalongisikola Gabriel Shithigona naAina, Oniimwandi siku lyoshituthihango shawo mOniimwandi 15.12.1971.

OMUKULUKADI WANGE NA KALE OMUTUMBA PENI MELONGELOKALUNGA?

Omulumenhu nomukainhu waye melongelokalunga ngeenge ove li omutumba koshipundi shimwe ashike, ve li pamwe mongerki, omu shi uditile ngahelipi mbela?

Epulo eli ola penduka efiku limwe moxungi yoshongalele shovanyasha hava ongala mositata yaVenduka nola pelwe omanyamukulo taa shikula apa:

1. Wotete okwa ti: "Nghi udite oudjuu omulumenhu nomukainhu waye va kale koshipundi shimwe ashike melongelokalunga, aisheshi ondi wete i fike pamwe ngee ve li pamwe ile vehe li pamwe."

2. Vavali tava ti: "Inashi wapala omulumenhu nomukainhu waye va kale alusheshi koshipundi shimwe melongelokalunga, osheshi ovanhu otave va tale nome-sho mai notashi nyono po elongelokalunga. Natu teeeleni mangha, osheshi inatu pya natango."

3. Omulongo navatatu tava ti: "Fye otwe shi tala osha yela nosha wapala unene ngeenge tu li omutumba pamwe ngaho, osheshi fye nomukainhu wange otu li vamwe aveke, nomelongelokalunga katu na okatongo, ohatu kala omutumba twa manguluka noinatatu yavala ou te tu tale omesho manene."

Ovaleshi otamu ti ngahelipi?

Abraham Haileka
Windhoek

ONDILO YOUKUMWE

Omukulu wonale okwa popya ta ti: "Omu-nwe umwe ihau litoola ona" na "Ouxuku vokuliyengela ihava di." Tala nawa oma-yele aa.

Moushitwe konyala luhapu oto hange ngo ounamwenyo ve li vavali, vatatu ile eengudu. Eumbo liyadi, omukunda, eongalo, oshilongo nosho tuu, osheshi ova hala okutula oukuni kumwe. S.A. okwa wanifa ovetayeshito youkumwe.

Ava mwa lesa ehistolit otamu koneke

nghee omukunda waKaapa, Transvaal, Natal naOranje-Vrystaat eshi da hangana, opo di tule oikuni kumwe do di dule okulonga po sha shomupondo. Opa li ovalumenhu tava longo, opo va hangane. Paife oto hange S.A. a pama, ye ta popi ta ti: "Oukumwe oo eenghono" (eendrag maak mag).

S.A. ina hala ouxuku vokuliyengela, shaashi itava di sha. Okwa hangana nomihoko dOvaingilisha nOvadowishi, opo va kale va kola lela oshimati. Vali okwa tala kutya ngeenge Ovaherero, Ovanama tava hangana kumwe nOvawambo, nena otave ke litombola ona nomaxuku otaa ka yenguka lela.

Nani ohatu mbweengwa ashike eshi hatu pewa omaduumbo. Ngeno onda li omupangeli, ngeno ohandi pangula ovaleli vetu ava va itavela omaduumbo vo inava konakona nawa kutya, ehanganano oveta yeshito.

Edina lombwa oho li udu kumukweni. O-peni wa uda eduumbo mounyuni? Amerika naye okwa nyengwa oku li yandja, osheshi oku shii kutya oshi li kondje yoveta navali kashi fi oshinima shokuyandjwa komunhu, naau te shi ku pe, okambweenga koo venevene.

Walde Namhunja

YAALI YE TU THIGI PO

Uunona uyali lina N. Kaapangelwa okwe tu thigi po 17.9.1971 nokankelo ketu Keth Elizabeth Kaapangelwa oke tu thigi po 23.12.1971. Shika osho sha li oshikongo oshidhigu megumbo lyomusamane Titus Kaapangelwa Onangalo,

Oya ti: "Otwa mono aatalelipo oyendji ye tu hekeleke osho wo omaimbilo mEhangano. Kalunga e tu pele, oye wo e tu kutha." Okamwayina Kristofina



Mefano kolumoho. omumbisofi B. Mhlungu gwongerki onkwaevangeli paLuther muumbugantu waSuid-Afrika moshitayingerki shuuzilombugantu ye li naDr. Garl-Johan Hellberg, omuwiliki gwoshikondo shekwatathano lyongerki shomongongahanganano yAakwaLuther, pethimbo lyoshigongi shAakwaLuther muAustria. Tala oshipopiwa shehokololo lyoshigongi mepandja etiheyali moshifo shika.

Ehokololo lomutumwa wa hamushanga wOiwana ya hangana Dr. K. Waldheim kuSuid naSuidwes eshi a tumine Dr. A. Escher va kundafane nEpangelo laS.A. neengudu dovanhu omu, kwinya inali mona epopilo la wana, unene mokati kovalaula. Eshi osho sha tokelifa eenghundafana donghatu tai ka shikula ko moshinima osho.

Dr. Waldheim okwa indila natango Ewilikongudu leameno li lelepeke efimbo leenghundafana, fiyo omudo tau ya. Oiwana yovalaula moV.V.O. kai na eteelelo lasha meenghundafana edi. Etiopia okwa indila S.A. a tambule ovakalelipo va V.V.O. va kale omutumba omu vo va hovele epangelo lipe diva.

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse
Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omu-
mbisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika
R1.00, kombanda yomafuta R2.00
Oondando nomambestelo naga tumwe kOmu-
kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule
woondeimi 1 otashi futwa R1.00
oondeimi 2 otashi futwa R1.90
oondeimi 3 otashi futwa R2.70
oondeimi 4 otashi futwa R3.40
oondeimi 5 otashi futwa R5.00
Oto vulu okutuma wo efano lyaashono wa hala
shi tseyithwe.

Owambokavango Church Press
P/B 2013 Ondangwa, S. W. A.

